

ԿՈՍՏԱՆԴՆՈՒՊՈԼՍԻ ՀԱՅ ԳԱՂԹՕՋԱՍԻ ԿԱԶՄԱՎՈՐՈՒՄԸ

(XV դ. II կես—XVII դ. I կես)

Պատմ. գիտ. դպկանոց ԱԼՔԵՐՏ ԽԱՌԱՏՅԱՆ

Բյուզանդական կայսրության անկումից հետո (1453) օսմանյան թուրքերի մայրաքաղաք դարձած Կոստանդնուպոլսին վիճակված էր համեմատաբար փլատակների վրա ի նորո սկսել իր կենսագրությունը: Բյուզանդական կայսրության անկմանը հետևող մի քանի տասնամյակների ընթացքում այստեղ, ի թիվս այլ հանրությունների, գոյացավ նաև հայ գաղթօջախ, որն իր կազմավորման գործընթացը պետք է ապրեր հիմնականում մինչև 17-րդ դ. առաջին քառորդը՝ հանդես գալով իբրև ազգային որոշակի դավանանք, նկարագիր ու խառնվածք ունեցող հանրություն և դրան համապատասխան, ճանաչվելով իբրև առանձին ժողովուրդ՝ Օսմանյան կայսրության միլեթների համակարգում: Պատմական ճակատագրի բերումով Կ. Պոլսի հայ համայնքը կազմավորվեց Հայաստանի Արևմտյան և Արևելյան հատվածների, ինչպես և Կիլիկիայի հայերի բազմություններից: Այս գաղթօջախը, իբրև հայ ժողովրդի ընդհանրությունը ներկայացնող համայնք, բացառիկ նշանակություն պետք է ունենար միջնադարից մինչև նոր ժամանակները ձգվող դարաշրջաններում ազգային հոգևոր ու մտավոր արժեքների հայտնություն ու դարգացման ասպարեզում: Առնչվելով ոչ միայն բնաշխարհի, այլև աշխարհասփյուռ հայության հետ, Կ. Պոլսի հայ գաղթօջախը իր կարևորագույն նպաստը բերեց ազգային-հոգևոր միասնության, ժողովրդի ինքնության պահպանության գործին՝ իր էական ազդեցությունը թողնելով ազգի կրոնական, մտավոր ու մշակութային դարգացման ընդհանուր օրինաչափությունների վրա:

Հայտնի է, որ Կ. Պոլսում հայերն ապրել են Բյուզանդական կայսրության ժամանակներում, թուրքերի ներխուժումից դեռ դարևո առաջ: Անկախ համայնքը կազմող հայերի թվաքանակից, այն հանդես է եկել իբրև էթնակրոնական որոշակի միավոր՝ հոգևոր գլուխ ունենալով իր առաջնորդ-եպիսկոպոսին: Այդ մասին թեև կցկտուր, բայց և հստակ փաստեր են տրամադրում ժամանակի հիշատակարանները: Կ. Պոլսը թուրքերի կողմից նվաճվելուց 146 տարի առաջ, Սսի եկեղեցական ժողովում (1307 թ.) հիշվում է Հուսիկը՝ «եպիսկոպոս Ստինպոլայ հայերուն»¹: Դրանից հետո ևս շարունակվում են հիշատակվել նաև այլ առաջնորդներ, ինչպես «Ի թվ. ՊԾԲ (1403) ի պարոնութեան Ամիր-Աբդալին և ի հայրապետութեան Կոստանդնուպոլսոյ արհիեպիսկոպոսի տէր Զաքարիայի ի գիւղն Մգունք...»². նույն կերպ, հայտնի է 1433 թ. Կ. Պոլսի հայերի առաջնորդ Հովհաննես եպիսկոպոսը³, իսկ դրանից հինգ տարի անց, մի ձեռագրում դարձյալ հաստատվում է առաջնորդի առկայությունը. «Գրեցաւ գիրքս ձեռնադրութեան թվ. ՊԶԷ (1438) ի վայելումն: արհեպիսկոպոսին տէր Յովակիմին Կոստանդնուպոլսի

¹ Ա. Պ. Պալեոնան. Պատմութիւն կաթողիկէ վարդապետութեան ի Հայս. Վիեննա, 1878, էջ 281:

² Ժ. Պ. դարի հայերն ձեռագրերի հիշատակարաններ, մասն Ա (1401—1450), կազմ. Լ. Ս. Խաչիկյան, Երևան, 1955, էջ 41:

³ Կ. Պոլսո հայերը և իրենց պատրիարքները.— «Ընդարձակ օրացույց ազգային հիվանդանոցի», Կ. Պոլս, 1901, էջ 77—78:

զոր տէր Աստուած վայելել տացէ յամերամս ժամանակաց...»⁴: Այստեղ մի կողմ ենթադրում այս Հովակիմի, ՚յ. Պոլսի հայերի առաջին պատրիարք Հովակիմի, ինչպես և Պրուսայի (1144), ապա Կոստինայի (1445) հայերի առաջնորդ Հովակիմի անձերի նույնությունը կամ տարբերության վերաբերյալ հայտնի տարակարծությունները⁵. Խնդիրն այն է, որ վերոհիշյալ հիշատակարանները միաբերան վկայում են թուրքերի՝ բյուզանդական մայրաքաղաքում հայտնվելուց դեռ շատ առաջ հայ հողատիր առաջնորդի, ուրեմն և համայնքի գոյություն մասին:

Պակաս դժվարություն չի ներկայացնում այդպիսի գոյության շարունակականության հարցի լուսաբանումը, այսինքն այն, թե հայ համայնքը կարողացավ, արդյոք, պահպանել իրեն քաղաք ներխուժած թուրքական զորքերի սարքած նախճիրից, ղանգվածային թալանից ու գերեվարումից հետո: Իրա մասին, սակայն, որևէ փաստ հայտնի չէ, իսկ բուն Կ. Պոլսի (յ բաց առյալ նրա հանդիպակաց ափին գտնվող Ղալաթիան, որը փրկվեց ավերածությունից ու գերեվարությունից) դժնդակ ճակատագիրը այս իմաստով միայն հոռետեսություն է տրամադրում:

1453 թ. մայիսի 29-ին ներխուժելով քաղաք, թուրքերը վերջին մահացու հարվածը հասցրին պաշարումից, սովից ու հիվանդություններից ուժասպառ բնակչությանը, որի մի մասը կոտորվեց տեղում, իսկ մի զգալի մասն էլ գերեվարվեց⁶: Հոշոտված Կ. Պոլիսը դարձնելով օսմանների մայրաքաղաքը, սուլթան Մեհմեդ Ֆաթիհը սկսեց իրականացնել այն վերաշինելու, վերաբնակեցնելու և ծավալապաշտության ու իսլամի նպատակներին համապատասխան կենտրոն ստեղծելու ծրագիրը: Անհրաժեշտ էր գրեթե ամբողջովին ամալացած քաղաքը լցնել բնակչությամբ, ապահովել նրա կենսագործունեությունը, որ հնարավոր էր միայն մարդկային մեծ ռեսուրսների առկայությամբ: Կ. Պոլսի անկմանը հետևող մի քանի ամիսների ընթացքում սուլթանը ձեռնամուխ եղավ ոչ միայն թուրքերի, այլև նվաճված ոչ մահմեդական բազմությունների տեղափոխմանը Կ. Պոլիս, որ միայն իր թագավորության շրջանում, մինչև 1480-ականի սկիզբը, պետք է տներ տասնամյակներ: Մայրաքաղաքի վերաբնակեցման միտքը հղանալիս սուլթանը, անշուշտ, հետապնդում էր և՛ տնտեսական, և՛ կրոնաքաղաքական նպատակներ իսլամի նոր կենտրոնում ապահովել մահմեդականների տիրապետող դիրքին համապատասխան մեծամասնություն, թուլացնել նվաճված տարածքների այլակրոններին՝ նրանց կարող և կենսունակ ուժերը բռնի Կ. Պոլիս տեղափոխելով, թալանել նրանց ունեցվածքը՝ ջլատելով ենթադրվելիք զիմադրական: Կարևորությունները և ալլն: Հիմնավորված է այն տեսակետը, որ այս ամենը արվում էր նաև քրիստոնյաներից պարսված շրջանները մահմեդական տարրերով լցնելու նպատակով⁷: Գավառներից այս տեղահանումը սկսվեց բարբարոսական եղանակներով՝ բռնություններով, կողոպուտներով ու ավերումներով: Արբաճամ Անկյուրացին արձանագրել է տեղահանվողների այս համատարած թշվառությունը:

⁴ Ժն դարի հայերեն ձեռագրերի հիշատակարաններ..., էջ 492:

⁵ Ն. Ա կինյան. Կոստանդնուպոլսի հայոց պատրիարքության սկզբնավորությունը. -- «Հանդես ամսօրյա», 1951, № 8—10, էջ 460—463: Ը. Ճ. Սիրունի. Պոլիս և իր զերո (1453—1800). հ. 1, Բեյրութ, 1965, էջ 107—110 և այլն:

⁶ Վիթիսրի գրականություն է ստեղծվել Կ. Պոլսի անկման վերաբերյալ: Հայկական սկզբնաղբյուրներից հայտնի են Արբաճամ Անկյուրացու «Ողբ ի վերայ առման Կոստանդնուպոլսոյ» և Առաքել Բաղիշեցու «Ողբ մայրաքաղաքին Ստրմպոլու» ստեղծագործությունները (Ը. Անասյան. Հայկական աղբյուրները Բյուզանդիայի անկման մասին. Երևան, 1957):

⁷ Հ. Պերպերյան. Իսթանպուլի հայ բնակչությունը քաղաքին գրավումին մինչև Ֆաթիհ Մեհմեդ 11-ի մահը, 1453—1481. -- «Հանդես ամսօրյա», 1962, № 5—8, էջ 220:

Ձի հալըք յորդոց բաժանէին	ի հայրենեաց բազումք զըրկին:
Իլսանրք ի սարցն կոզստին	ծւ ոչ միայն տաճկաց ազգին
Եղբայրք յեղբօրէ կուբակին	...չլ զբոխտոնէայսն ի մէջ բերին... ⁸ :

Նախքան բռնագաղթերն անցնելը, սուլթանը հույս է ունեցել հրաշքերով և կաս՝ էլ կամավորութեան սկզբունքով ևս վերաբնակեցնել Կ. Պոլիսը: Սորաթուրի իշխանութիւնները քաղաքը յթաժ բնակիչներին՝ հիմնականում հույներին, կոչ էին տնում վերայառնալ իրենց տները, նույնիսկ խոստանում էին օգնել նրանց կացարանները վերաշինութեանը: Առանձնահատուկ վերաբերմունք ունէր սուլթանը նվաճված հարուստ խավերի, նույնիսկ անհատների նկատմամբ, երբ նրանց բերել էր տալիս Կ. Պոլիս: Գերեզմարված հույների մի մասը, անշուշտ, հարուստներ, ազատ արձակվեցին և բնակեցվեցին Յենեք թաղամասում⁹: Ակներեաբար, սուլթանը ձգտում էր օգտագործել ոչ միայն նրանց հարստութիւնը քաղաքը վերաշինելու նպատակով, այլև հեղինակութիւնն ու ազդեցութիւնը նրանց ազգակիցներին բարեհաստակութեան մեջ պահելու ակնկալիքով: Այդպիսի բերվածներից էին նույն Աբրահամ Անկյուրացու «Ողբում» հիշատակված անկյուրացի հայերը, որոնք Կ. Պոլսում հայտնվել էին նրա անկումից մտտ հինգ ամիս անց և որոնց պետք է հասարել Ստամբուլի առաջին հայ գաղթականներ:

ի քսան և ութ հոկտեմբերին	Եւ Սիմէոն Բարեփաշին
Չորս հալ ի յԱնկիւրիոյ բերին	Եւ Պապայի որդի Ալվատն
Աստուածատուր Սաթրմիշին	Եւ պարոն Գորգն հեղիմ հաճին ¹⁰ :

Այս շորս անձանցից հետո, համենայն դեպս, մինչև 1464 թ., Կ. Պոլսում՝ Ղալաթիայում, արդեն հաստատվել են նաև բազմաթիվ անկյուրացի հայեր: Հիշատակարանը, որ բերվում է ստորև, կցկտոր , բայց և որոշ տեղեկութիւններ է տալիս այդ մասին. «Ի թվիս Հայոց ՋԺԳ (1464) ապրիլ ամսոյ ԻԲ (22) եղև վերափոխումն տէր Ներսէս եպիսկոպոսին Անկուրիոյ. սա էր յերկրէն Ղրիմոյ, աշակերտ Սարգիս վարդապետի... եւ շնորհաւք սուրբ հոգուն անդադար քարոզէր հայոց և ֆռանկաց, հոռմոց և բազումք ի մեծամեծաց տաճկաց լսէին զբանն կենաց և հաւատարին ի Քրիստոս իսկ անարէն արքայն տաճկաց ժողովեց զբրիստոնէից մանկունսն և եբեր ըՍտրմպօլ իսկ եպիսկոպոսն եկեալ ի հետ մանկանցն և եբեր զթուղթ ազատութեան հայոց, իսկ անարէն արքայն ոչինչ համարեցաւ զթուղթն բայց Անկուրիոյ քրիստոնէքն շնորհեց նմա և յետ 9 (6) տարոյ տարան զծնաւդք մանկանց ի Ըստրմպօլ և գնացեալ սրբոյն զհետ նոցա ի Ղալաթան...»¹¹:

Վավերագրում ուշագրավ է հետևյալը. նախ, այն վերաբերում է Ներսես եպիսկոպոսի մահվանը (1464) նախորդած դեպքերին, երբ մանկածողով է եղել Անկյուրիայում և ապա, այդ մանկածողովից վեց տարի հետո է, որ ժողովված մանկանց ծնողներին տարել են Ստամբուլ, որ համապատասխանում է 1450-ականների երկրորդ կեսին կամ հենց 1454—1455-ին: Հետևաբար, Անկյուրիայի այս գաղթականությունը ևս ներկայացնում է Ստամբուլի հնագույն հալ վերաբնակիչներին:

Սուլթանի՝ կամավոր գաղթի կոչերը, սակայն, դատապարտված էին ձախողման. վերաբնակվելը կապված էր նյութական մեծ ծախսերի հետ և որ-

8 Ձ. Անասյան. նշվ. աշխ., էջ 49:
 9 L. Kinross. The Ottoman Centuries. The Rise and Fall of the Turkish Empire. London, 1977, p. 116.
 10 Ձ. Անասյան. նշվ. աշխ., էջ 49—50: Անասյանը միանգամայն իրավացի է, երբ այս անձանց համարում է Անկյուրիայի երեկիներ (նույն տեղում, էջ 59): Գ. Հասսերը ևս կարծու է, որ նրանք կամ հարուստ վաճառականներ էին կամ ճարտար արհեստավորներ (Գ. Հասսեր. Հայ վաճառականներ և արհեստավորներ Կ. Պոլսու մեջ.— «Հայաստանի կուշնակ», 1928, № 37, էջ 1161):
 11 Սաշտոցի անվ. Մատենադարան (այսուհետև՝ ՄՄ) ձեռ. 2540, Թ. 266:

քան էլ հրապուրիչ լինեին սուլթանի խոստումները մայրաքաղաքում բարեկեցիկ կյանք ապահովելու, արտոնությունների և այլնի մասին, իրենց աշխատանքի համեստ վաստակով ապրող ժողովրդական խավերը ի զորու չէին այդ անելու: Գավառներ ուղարկված սուլթանական սպանալի ֆերմանները սոսկ մասնակի արդյունքներ տվեցին (նկատելի էր, այս տեսակետից, Սալոնիկից և Նվրոպայի այլ մասերից հրեաների գաղթը Կ. Պոլիս)¹², որ բնավ չէր կարող գոհացնել սուլթանին: Դրանից հետո է, որ սուլթանը գործի գրեց բռնագաղթների գործընթացը՝ սյուզզյունը¹³: 1450-ականների երկրորդ կեսին ծայր առան Կ. Պոլիս քշվող բազմությունների շարքերը՝ տասնյակ հազարավոր գաղթականներ էգեյանի շրջանից, Մորեայից, Կորնթոսից (հիմնականում հույներ), Արևելյան Նվրոպայից (սերբեր, հունգարներ, բուլղարներ և այլն), քրիստոնյաներ և մահմեդականներ՝ փոքրասիական նվաճված շրջաններից և այլն¹⁴: 1460 թ., ինչպես գրում է ժամանակի հույն Ֆեդինակ, իրողություններին քաջատեղյակ և ականատես Քրիստոփոլոսը, Մեհմեդը Կ. Պոլիս տեղափոխեց իր տիրույթներում գտնվող այն հայերին, որոնք բարեկեցիկ էին իրենց ստացվածքով, տեխնիկական իմացություններով և այլևայլ մասնագիտություններով, ինչպես նաև երանց, ովքեր առևտրական խավից էին¹⁵, Արհեստավոր և առևտրական տասնյակ հազարավոր մարդկանց մայրաքաղաք բռնագաղթեցնելու ծրագիրը սուլթանը գործադրում էր շարունակական ընթացքով՝ տարածելով այն կայսրության բոլոր հպատակների վրա: Պետք է եզրակացնել, որ Քրիստոփոլոսի հիշած հայերը ևս արհեստավորներ ու առևտրականներ էին՝ Կ. Պոլիս բերված Կեսարիայից, Ազրիանուպոլսից, Սերաստիայից, Սամսունից, Քոբատից և այլ վայրերից:

1461 թ. Կ. Պոլսում վերաբնակեցվեցին Պրուսայից եկած հայերը՝ իրենց առաջնորդ Հովակիմի (որը պետք է դառնար Կ. Պոլսի հայերի առաջին պատրիարքը) հետ միասին: Հստ Մ. Չամչյանի, Հովակիմը գաղթեցվել է «քանի մի երևելի տամբք հայոց (զոր տմանք վեց տուն ասեն)»¹⁶, հայերի թիվը, սակայն, չի նշում Մաղաքիա Ճեվահիրճյանը, որը, ի դեպ, Չամչյանի աղբյուրներից մեկն է: Նա գրում է. «Պուռսալու ժողովրդօք բերէ սուլթան Մէհմեդտ Ֆեթլ առնողն Ստամպոլու զոր յառաջագոյն խոստացեալ էր նմա թէ առնիցէ: Ստամպոլ և տարցէ նա անդ»¹⁷: Ի դեպ, նկատենք, որ և Անկյուրիայի, և Պրուսայի այս գաղթականներից հիշվում են միայն «երևելիները», ինչը ամենևին չի բացառում, որ նրանց հետ մայրաքաղաք տեղափոխված լինեին հասարակ արհեստավորներ և առևտրականներ:

Հայերի և մյուս ժողովուրդների հոծախումբ բռնագաղթերը Կ. Պոլիս լայն շափեր են ընդունում 1460—1470-ական թթ., երբ Մեհմեդը ծավալեց իր նվաճողական արշավանքները սևծովյան շրջաններում, Տրապիզոնում, Հունաստանում, Ղրիմում և Բալկաններում: 1461 թ. գրավելով Տրապիզոնը և սևծովյան պոնտական շրջանները, Մեհմեդը կործանեց Տրապիզոնի կայսրությունը, որը հնարավորություն տվեց նրան քրիստոնեական նոր տարրերով լցնելու իր մայրաքաղաքը: Գրիչ Ստեփանոսը իր հիշատակարանում նշում էր, որ նվաճողը «առաւ Պոնտոս, որ է Տրապիզոն և այնչափովն վնաս ի նոյն գործեցաւ, զի բաժանէին գորդիսն և զգետերս ի մարց և ի հարց և

¹² L. Kinross. Op. cit., p. 117.

¹³ Հ. Պերպերյան. նշվ. աշխ., էջ 220: Այս հեղինակը նշում է, որ Մեհմեդը հրամայել էր բաղաբի գրավումից հետո, մինչև սեպտեմբեր, դաղթեցնել 5 000 ընտանիք, իսկ հրամարվողները մահվան պետք է դատապարտվեին (նույն տեղում, էջ 218):

¹⁴ Նույն տեղում, էջ 224. Հ. Վ. Սիրոսի. նշվ. աշխ., էջ 175: Ю. А. Петросян. Превний город на берегах Босфора. М., 1986, с. 136:

¹⁵ Kritovoulos. History of the Mehmed the Conqueror. Princeton, 1954, p. 140.

¹⁶ Մ. Չամչյան. Պատմութիւն հայոց. Տ. Գ, վեներիկ, 1786, էջ 500:

¹⁷ Հ. Պերպերյան. Կ. Պոլսո հայ պատրիարքներու դավադանագիրքը ըստ Մաղաքիա Ճեվահիրճյանի.— «Հանդես ամսօրյա», 1963. № 7—8, էջ 331:

գեղբայր չեղբարց և աղիողորմ էր լացն և աղաղակն, զոր ոչ կարեմ ընդ դրով արկանել...»։ Նույն գրիչը նշում է նաև Կամախի հայերի գերեզմարումը. «Գերեցաւ գաւառս Դարանաղեաց որ և Կամախ ուր ու կարէ պատմել զաւերն և զպակասն որ եղեն ըրիստոնէից և վանորէից և սրբութեանցն»¹⁸։ Գերեզմար-վածներն մի մասը, անշուշտ, վաճառվել է, իսկ մյուս մասը բռնի տարվել է, իբրև ընչագուրկ ոսյա, մայրաքաղաք՝ լրացնելով ներքնախավերի բանա-կը։ 1460-ական թթ. մեկը մյուսին հետևում էին նոր բռնագաղթերը, երբ Մեհ-մեդը պարսկերաբար Կ. Պոլիս էր հավարում կայսրութեան ամենատարբեր կողմերում բնակվող հպատակներին՝ մայրաքաղաքը հոծ բնակչութեամբ լցնելը դիտելով իբրև իր պետութեան մեծութեան ու հզորութեան անհրաժեշտ պայման։ Այս իրողությունն էր արձանագրում լավատեղյակ գրիչը. «Եւ դար-ձեալ... ի դառն և անբարի ժամանակիս, զոր քրիստոնէայք տարաշիարհիկ եղեալ սուրկուն ըբերելով սուլթան Մահամմատն ի յՆստամպու ոչ թէ յԱն-կուրիոյ միայն, այլ յամենայն աշխարհէ, որ ընդ իւր իշխանութեամբն է...»¹⁹։

Ողբերգական էր Ղրիմի (Կաֆա) բնակչության, այդ թվում և բազմա-հազար հայերի գերեզմարումը և բռնագաղթը Կ. Պոլիս։ Թուրքերը Կաֆան գրավեցին 1475 թ. հունիսի 5-ին (17—18-ին) և դարհուրելի սպանդի են-թարկեցին քաղաքի պաշտպաններին՝ հայ, մասամբ նաև հույն բնակչությանը։ Եվ այն բանից հետո, երբ Թուրքական հուլիս գերակշիռ ուժերին (40.000 մարդ) հետևեց ճենովացի իշխան Սկվարչիաֆիկոյի զավաճանությունը, պա-շարվածները հարկադրված էին անձնատուր լինել²⁰։ Կասուտան փառայի հրամանով Թուրքերը զավաղաբար կոտորեցին մահմեդականությունը մեր-ժած կաֆացի հայ երեխաներին, որից հետո սկսվեց հայերի կոտորածը ոչ միայն Կաֆայում, այլև Կազարաթում և Սուրխաթում²¹։ Հայ, ճենովացի և հույն 40000 մարդ գերեզմարվեց և քշվեց Կ. Պոլիս, սուլթանին ուղարկվեցին 1000-ի շափ դեղեցիկ աղբիկներ և պատանիներ, բազմահազար սլատանիներ ենիչերի դարձվեցին²²։ Թուրքերը տիրացան Կաֆայի բնակչության ոչ միայն նյութական. այլև հոգևոր արժեքներին։ Կ. Պոլսում զնվել է մի ձեռագրը նույն՝ 1475 թ. մի հիշատակարանով. «Զվերջին սուացաղ սուրբ Աւետա-րանիս զպարոն Աւետիքն յիշեսցիր հանդերձ ծնողովք, որ սուացաղ զսուրբ Աւետարանս ի յայլագգեացն, որ գերեաց ի Կաֆայէն և բերին ի յՆստամ-պալուս եւ ես Աւետիքս որ եմ տրապիզոնցի և եմ այժմ սուրկուն ի յՆստամ-պալուս ի յԱթոթոսիայի մահալան ի դուրն սրբոյ Սարգսի զաւրավարին»²³։

Վերոհիշյալ խոշոր գերեզմարումից ու բռնագաղթից հետո Կ. Պոլիսի հալ բնակչությունը պետք է համարվեր բազմահազար նորեկներով, անգամ եթե գերեզմարված հայերի մի մասը վաճառվեր շուկաներում և դուրս տարվեր մայրաքաղաքի սահմաններից։ 15-րդ դ. վերջին քաղաքին զրիմանայերը կազմեցին հայ բնակչության մի ստվար մասը։

Մեհմեդի թագավորութեան վերջին տարիներին Կ. Պոլիս բռնագաղթեցին

18 Ժն դարի հայերեն ձեռագրերի հիշատակարաններ, մասն Բ (1451—1480), կազմ. Լ. Ս. Խաչիկյան, Երևան, 1958, էջ 211։

19 Թ. Գ ու շ ա կ յ ա ն. Յուզակ հայերեն ձեռագրաց ս. Նշանի վանուց ի Սերաստիա.— «Հանդես ամսօրյա», 1926, № 5—6, էջ 238։

20 Հայ-իտալական առնչություններ. ջենովական փաստաթղթերը զրիմահայերի մասին (կազմ., առաջարանը և ծանոթագր. Վ. Ա. Միրալյանի). Երևան, 1974, էջ 153։ 2. Ճ. Ս ի Ր ու Ն ի. Նշվ. աշխ., էջ 190։ Գ. Ա յ վ ա գ ո վ ս կ ի. Պատմութիւն օսմանեան պետութեան. հ. Ա. Վհենտիկ 1841, էջ 197—198։ E. S. Creasy. History of the Ottoman Turks. Beirut, 1961, p. 99։

21 Մատենադարան, ձեռ. 4515, Բ. 213։

22 Գ. Այվազովսկին գերեզմարված հայերի և ճենովացիների թիվը հաշվում է 40 հազար (տե՛ս Գ. Ա յ վ ա գ ո վ ս կ ի. Նշվ. աշխ., էջ 198), իսկ Համերը այդքան հաշվում է միայն հայերի թիվը, որ շափագանդված է համարում 2. Ճ. Ս ի Ր ու Ն ի. Նշվ. աշխ. էջ 192)։

23 Ժն դարի հայերեն ձեռագրերի հիշատակարաններ, մասն Բ, էջ 389։

նաև Ամասիայի և Կարամանի հայերը: 1430 թ. գրիչ ներսևս քահանան, որ Ամիրզովաթ Ամասիացու հանձնարարությամբ ընդօրինակել էր «Ժամանա կագրութիւնք Միխայիլի Ասորոյ և Սամուէլի Անեցույ» գործը, գրում էր. «Ի մէջ դառնութեան դրեցի դսա, դի բռնութեամբ և ակամայ ի յԱմասիու զմեղ բերին ի Կոստանդնուպոլսիս»²⁴:

Նկատենք, որ Մեհմեդը Կարամանի քաղաքները գրավել էր դեռևս 1464 թ., սակայն տեղի բնակչության, այդ թվում և հայերի բռնագաղթը իրականացրել էր 1479 թ.: Գրիչ Մարտիրոսը. որ դարձյալ Ամիրզովաթի սլատվերով Սաղմոս էր ընդօրինակել, հիշատակարանում գրել է. «Դարձեալ ի թուականիս Հայոց ԶԻԸ (1479) սուրկուն արար խոնտքարն զՂարամանին աշխարհին զհայ ազգս և զիս զանսիտան հողս զՄարտիրոս, հետ բերին ի Կոստանդնուպոլսիս»²⁵: Կարամանի բնդարձակ տարածաշրջանից կատարված բռնագաղթերը նշանակալի են եղել պոլսահայ գաղթօջախի կազմավորման գործընթացում: Այս բազմամարդուական մասին է խոսում այն փաստը, որ Կարամանի գաղթականները մայրաքաղաք հասնելուց հետո նախապես բնակվել են վրաններում, ուրեմն, հնարավոր չի հղել տեղավորել այդչափ բազմությունը²⁶: Ել վերջապես, այս գաղթականների թվաշատությունն է վկայում այն, որ Սամաթիայի եկեղեցու շուրջ բնակեցված հայաբնակ թաղը մինչև 1805 թ. կոչվում էր Կարաման մահալլեսի²⁷: Ե. Քյումյուրճյանը 17-րդ դ. երկրորդ կեսին Սամաթիայում հաշվում էր ավելի քան հազար հայ («Հազար տունք յաւել աստ Հայք...»)²⁸:

Ֆաթիհի բռնագաղթերը, ինչպես վկայվում է աղբյուրներով ու համապատասխան դրականության վերլուծություններով, իրականացվել է ոչ թե տարեկանորեն, այլ սուլթանի ու նրա մերձավորների նախապես կշռադատված ծրագրի համաձայն: Պետք է նշել, որ այդ ծրագրի հետևանքով օսմանյան մայրաքաղաքը շինացվում էր շատ ավելի հին քաղաքակրթություն ունեցող, արհեստների, առևտրի և մշակույթի ասպարեզներում ակնհայտորեն առաջատար գաղթական ժողովուրդներով: Պակաս կարևոր չէր նաև բուն մայրաքաղաքի կենսագործունեության ապահովումը հարկատու հոծ բազմություններով, որոնք տնտեսական ներուժով էին օժտելու մայրաքաղաքը, այլև հավելյալ միջոցներ էին տրամադրելու անընդհատ ազմական ծախսերով մտահոգ օսմանյան պետությանը: Ավելացնենք, որ սուլթանը ձգտում էր Կ. Պոլիսը շրջապատել գլուղատնտեսական արտադրությամբ զբաղվող հողագործներով, նպատակ ունենալով մայրաքաղաքը դարձնել ինքնաբավ, սեփական կարիքները ամբողջովին կամ գրեթե ամբողջովին հոգալու բնօրենակ մի համակարգ: 1457 թ. Ֆաթիհը հատուկ ուշադրություն դարձրեց քաղաքի արվարձաններն ու շրջակայքը հողագործներով բնակեցնելու խրոնիկ՝ այնտեղ բռնագաղթեցնելով սերբերին և հույներին: Կորնթացի հույներից շուրջ 4000 մարդու սուլթանը բնակեցրեց Կ. Պոլսի մերձակա հողերի վրա²⁹: էլուպի մզկիթի կողմերում, ի դեպ, ծովեզերքին, այգիների ու բանջարանոցների մշակությամբ էին զբաղված նաև հայերը՝ բուլղարացիների հետ միասին, ինչպես նշում է Ե. Քյումյուրճյանը:

24 Նույն տեղում, էջ 443:

25 Վ. Թորոզյան. Հիշատակարան Ամիրզովաթա Սաղմոսին.—«Հանգես ամսօրյա», 1995, № 8, էջ 247:

26 Գ. Հնասեիր. Հայ դրականությունը տապանաբարերու վրա.—«Բազմավեպ», 1928, № 7—8, էջ 210: Ա. Ալպոյաճյանը կարծում է, որ Կարամանի հայերի այս բռնագաղթին (1479-ի) նախորդել են ես երեքը՝ 1466, 1468 և 1470—1471-ին (տե՛ս Ա. Ալպոյաճյան. Պատմություն հայ Կեսարիո. հ. Ա, Կահիրե, 1937, էջ 585):

27 Հ. Մրմբրյան. Մասնական սլատություն հայ մեծատուններու. Կ. Պոլիս, 1909 էջ 21:

28 Իրեմիա Զելեպոյ Ստամբուլյ պատմութիւն.—«Հանգես ամսօրյա», 1909, № 4, էջ 99-99-99
29 Kritovoulos. Op. cit., p. 119, 136—137.

Հնդ սահմանօթս շատ են
պօստան, ուր պուղար հւ հայ պարտիզպան...³⁰,

«Պուղար» ասելով Քյոմյուրճյանը, ամենայն հավանականությամբ, նկատի ունի նաև սերբերին, որոնք Կ. Պոլսի շրջանի գյուղերում էին բնակեցվել Մեհմեդի ժամանակ³¹։

Մեհմեդի բռնագաղթները, որոնք հետամտում էին Կ. Պոլսի վերաբնակեցումը, ի վերջո հասցրին Օսմանյան կայսրության մեջ միլիթների՝ կրոնական-ազգային հանրությունների համակարգի ստեղծմանը։ Մայրաքաղաքում ձևավորվեցին և ամբողջ երկրում պետականորեն ճանաչվեցին հունական ուղղափառ (հույներ, սերբեր բուլղարներ, 1453), հայ առաքելական եկեղեցու դավանության (1461) և հրեական միլիթները՝ իբրև հարկատու բնակչություն։ Միլիթների աշխարհի ճանաչումը, իրոք, նշանակում էր, որ օսմանյան իշխանությունները պետք է հրաժարվեին ոչ մահմեդական բնակչության դանգալածային իսլամացումից, բայց սոսկ հարաբերական իմաստով։ Վերջինից է մոռանալ, որ այդ իշխանությունները հարմար առիթներով դիմել են դանգալածային բռնի իսլամացման՝ մայրաքաղաքից այն կողմ ընկած շրջաններում, բնավ հստակ չառնելով միլիթների ճանաչումը սուլթանի կողմից։ Պետք է նկատել նաև, որ միլիթների համակարգը ոչ մահմեդականներին ընձեռում էր որոշ իրավունքներ՝ կրոնամշակութային, հարկահավաքման, ամուսնության և մի քանի այլ բնագավառներում³², նպաստում դասային խմբերի ձևավորմանը (կղեր, արհեստագործներ, վաճառականություն, հողագործներ) և սոցիալական տարբերությունների խորացմանը համայնքի ներսում։

Մեհմեդի նախաձեռնած բռնագաղթները վերսկսվեցին Սելիմ 1-ի (1512—1520) ժամանակաշրջանում, պարսկա-թուրքական ռազմական բախումներով։ 16-րդ դ. բռնագաղթները ուղեկցվում էին գերեվարություններով, և անհրաժեշտ է դրանք տարբերել իրարից։ Բռնագաղթները համախումբ բնակչության (մեկ կամ մի քանի վայրերից) տեղահանումն էր և տվյալ դեպքում, մայրաքաղաքում բնակեցնելը, ազատ թողնելով տեղահանվածներին որպես հարկատու ռայա ընդգրկվելու որևէ զբաղմունքի մեջ (արհեստներ, հողագործություն, կրոնական պաշտամունքի ասպարեզ, առևտուր)։ Գերիները, մինչդեռ, տրվում էին թուրքական բանակին, սուլթանից սկսած մինչև հետին ենիչերին՝ իբրև ռազմավար կամ հաղթանակի հատուցում։ Գերիները ամբողջովին զրկվում էին անձնական ազատությունից, դառնում էին տիրոջ սեփականությունը և դրան համապատասխան, որպես գույք, գանգալածային շահերով վաճառվում Կ. Պոլսի շուկաներում և այլուր։ Ա. Ալպոյաճյանի կարծիքով Սելիմ 1-ը և նրա հաջորդները պալատի և ռազմական ծախքերը հոգալու համար պարսիկների դեմ մղվող պատերազմների ժամանակ մոտ 100 000 հայ գերիներ են վաճառել մասնավորապես եգիպտական գերեվաճառ շուկաներում³³։ Կ. Պոլսի հայությունը գրեթե ամբողջովին կազմվել էր բռնագաղթների հետևանքով, իսկ այն գերիները, որոնք գնվել էին մայրաքաղաքում, սոսկ պատահական-

³⁰ Երեմիա Զելեպի Կ. Պոլսեցույ Պատմություն Ստամբուլայ.—«Հանդես ամսօրյա», 1909, № 7, էջ 208,

³¹ А. Д. Новичев. Рабство в Османской империи в последние века.—В сб.: Проблемы социальной структуры и идеологии средневекового общества. 2. Л., 1978, с. 67.

³² М. С. Мейер. Новые явления в социально-политической жизни Османской империи во II половине XVII—XVIII вв.—В кн.: Османская империя, М., 1986, с. 160.

³³ Ա. Ալպոյաճյան. Պատմություն հայ գաղթականության. Հ. Գ, Կահիրե, 1961, էջ 155.

նորեն կարող էին պահպանել իրենց կրոնը, եթե իրենց հաջողվեր վերադառնալ սեփական էթնիկական միջավայր։

4. Պոլսի բնակչությանը գյուղատնտեսական արդյունքներով ապահովելու նպատակով Մեհմեդը մայրաքաղաքի մատույցներում տեղավորել էր ստրկացված դերիները, 1498 թ. այդ տարածքների սուլթանական կալվածքներում բնակվում էին նրկու հազար ընտանիք ստրուկ-հողագործներ (ortakei kul-կիսրար ստրուկ՝ բերքը հողատիրոջ հետ կիսելու իմաստով)⁸⁴։

1514-ին գրավելով Քափրիզը, Սելիմ I-ը դարձյալ բռնագաղթների նպատակն էր համարում պարսկական մարդկային ռեսուրսների նվազեցումը և մայրաքաղաքը արհեստավորներով ու առևտրականներով ապահովելու պահանջի հագեցումը, պահանջ, որը չէր նվազել, այլ ընդհակառակը, նորանոր խնդիրներ էր հարուցում օսմանյան իշխանությունների առջև։ Աճել էր քաղաքային պլեբսը, գաղթականների նորանոր խմբերը պետք է պարենով, բանվորական աշխատուժով, որակյալ շինարարներով և այլ արհեստավորներով ապահովեին մարդաշատ դարձած մայրաքաղաքը։ Պատահական չէ, որ օսմանյան դատաիրավական համակարգի մեջ բավական ընդարձակ տեղ է հատկացված 4. Պոլսի շուկաների, արհեստավորների, առևտրականների գործունեության կարգավորմանը։

16-րդ դ. առաջին քառորդին, մասնավորապես Քափրիզի գրավումից հետո (1514) տեղի հայ արհեստավորների 4. Պոլիս փոխադրումը նոր, արևելախաչոյ ուրակական շնորհ էր մտցնում այնտեղ։ Այսուհանդերձ, դժվար է կարծել, որ արևելախաչոյ գաղթականությունը կարող էր մեծամասնություն կազմել համայնքում⁸⁵։ Խնդիրն այն է, որ 1514 թ. սուլթան Սելիմը 4. Պոլիս էր գաղթեցրել ոչ միայն Քափրիզի, այլև պարսկական գրավյալ տարածքների պարսիկ և հայ արհեստավորների բազմություններ, ուստի զուտ Քափրիզից բռնագաղթեցվածների վերաբերյալ վկայությունները պետք է հստակապես ավելի լայն աշխարհագրական, հետևաբար նաև էթնիկական իմաստով, այլ կերպ ասած, խոսքը ամենևին էլ միայն հայերին, առավել ևս գաղթեցվածների մեջ հայերի մեծամասնությունը չի վերաբերում։ Մ. Չամչյանը, ի դեպ, այստեղ ազգային որևէ տարբերակում չի մտցնում։ «Իսկ սուլթան Սելիմ հասնել ի վերայ Դավրիժով՝ էառ զայն և ժողովել զամենայն արուեստագէտս քաղաքին՝ առաքեաց ի Կոստանդինուպոլիս», — գրում է նա⁸⁶։

Որ Չալդրանի ճակատամարտից հետո (1514) Սելիմը հատուկ ուշադրություն է դարձրել 4. Պոլսի արհեստավորների շարքերը համայրելուն, ընդգծում է նաև Գ. Ալվազովսկին, սակայն, որոշ թվական պատկերացումներ տալով իրողության մասին. «Ապա առաքեաց ի Կոստանդինուպոլիս

⁸⁴ А. Д. Новичев. Рабство в Османской империи в средние века, с. 67. Հայտնի է, որ XVI դ. Բերայի և Խասպուղի շրջականերում հայերը զբաղվում էին 1978 с. 67. Հայտնի է, որ XVI դ. Բերայի և Խասպուղի շրջականերում հայերը զբաղվում էին հողագործությամբ (Գ. Հնասեր. Հայ գրականությունը տապանաբարերու վրա. — Բազմավեպ», 1928, № 7—8, էջ 211)։ Արդյոք սրանք ունեցել են սոցիալական նշված կարգավիճակը՝ դժվար է ասել, որ իսկով առայժմ այս հարցը բավարարող տվյալներ մեզ հայտնի չեն։ Սակայն այն էրոտությունը, որ Օսմանյան Քուրբանյում ստրկության գլխավոր աղբյուրը մնում էին իսլամական պատերազմները Փորը Ասիայում և Բալկաններում (А. Д. Новичев. Указ. соч., с. 57—58), ինչպես և Պարսկաստանից, Հայաստանի արևմտյան ու արևելյան հատվածներից կատարված բազմաթիվ դերեվարությունները XVI—XVIII դդ., ինքնին, առաջադրում է նաև զերիների և նրանց ճակատագրի ուսումնասիրության խնդիրը։

⁸⁵ Ա. Ալվազովսկյան. Ազգային ուսմանագրությունը, իր ծագումը և կիրառությունը. — սղնդարձակ օրոցույց ս. Փրկչյան հիվանդանոցի»։ 4. Պոլիս, 1910, էջ 104։ Չմոռանանք, որ 1535 թ. Բաղդադի գրավմամբ դարձյալ բավական թվով հայ գաղթականներ հայտնվեցին 4. Պոլսում, որ, սակայն, ամենևին էլ չէր ովեղացնում արևելախաչոյի թվաքանակը։

⁸⁶ Մ. Չամչյան. Նշվ. աշխ., հ. Գ., էջ 511։ Օրմանյան. Ազգապատում, հ. Ա, մասն Բ. Բեյրութ, 1969, սլուն. 2225։

արուեստագետ ճարտարս հազար, յորս յոլովք էին ի մերմէ ազգէս», — գրում է նա³⁷:

Հայ բնակչության բռնադադլթիւրը և գերեզարումները շարունակվեցին մինչև 16-րդ դ. 80-ական թթ. վերջերը: 1534 թ. Սուլեյման Կանունին (1520—1566) կոստանդնուպոլիս և օսմանյան այլ տարածքներ բռնագաղթեցրեց Վան-Վասպուրականի շրջանի հայերի, այլև՝ Երևանից, Նախիջևանից և Արարատյան դաշտի շրջաններից ու Արցախից (1548 և 1554 թթ.): Ժամանակագրութիւններում բազմաթիւ վկայութիւններ կան Հայաստանը ամայացնող այս պատերազմների և գերեզարումների մասին: Անդրեաս սարկավազը գրում է, որ «Ի թվին ՌԳ (1554) սուլտան Սուլայմանն սաֆարարու ի վերայ կարմիր գլխին և զՅերևանն և զՆախիջուան զամենայն գերի բերին»: Իսկ 1579 թ. մի հիշատակարանում նշվում է գերիների թիվը. «Թվին ՌԻԸ (1579) զԵրևան գերեցին ՌԼ (30000)»³⁸, Զանգվածային գերեզարութիւնները կրկնվեցին 1585 թ., երբ թուրքերը, այս էլ որերորդ անգամ, պարսիկներից զրավել էին Արևելահայաստանի մի նշանակալի մասը՝ Անդրկովկասի կից տարածքներով՝ Թավրիզը, Երևանը, Նախիջևանը, Գյանջան, Շամախին, Շիրվանը, զավթել Թիֆլիսը³⁹, Ավերիչ էր առանձնապիս դրան Նախորդած Լալա փաշայի արշավանքը 1578 թ., երբ օսմանյան ղորքերը «ասպատակեալ գնացին դէպ յարեւելս՝ ի երկիրն կարմիր գլխոյ մինչ զքսան ատուր ճանապարհն արեւի ի Կարսա... յԵրևան, ի Շրուան և մինչ ի թագաւորակա: մեծ քաղաքն Տփլիս: Զայս ամենայն քաղաքս և զաւառս անմարդաբնակար: րին... և յաւուր միում գնացեալ ի վերայ Երևան քաղաքին և բերին գերի ոգիք ԻԴՈ (24000) քահանայք և ռամիկք, կանայք և տղայք»⁴⁰, Ապշած գերեզարութիւն անհոնի շափերից, հիշատակագիրը նշում էր, որ Երևանից, էջմիածնից և կից տարածքներից «առհասարակ զամենեսին գերեցուցին»⁴¹, Գերեզարվողների աննախընթաց թիվը մեկ անգամ ևս առիթ է տալիս նշելու, որ անշուշտ, Կ. Պոլիս էին քշվում արհեստավորներն ու շինարարութիւն համար պիտանի հայ, պարսիկ և այլ ազգութիւն մարդիկ, բայց և հիմնական զանգվածը վաճառվում էր գերեզարու շուկաներում կամ տարվում երկրի խորքերը՝ Անատոլիա և այլուր: Սրանով հանդերձ, համոզիչ է թվում, որ Կ. Պոլսի հայ ազգաբնակչութիւն մեջ Արևելյան Հայաստանից շարունակական բռնագաղթերը պետք է ստվարացնեին արևելահայ, գաղթականների թիվը՝ գոնե մինչև 16-րդ դ. վերջերը: Այստեղ նկատենք, որ պարսաղիր չէր արհեստավոր գերիներին Կ. Պոլիս և կամ այլ խոշոր քաղաքներ տեղափոխելը: Նրանց հաճախ էին օգտագործում բանակի կարիքներ, ռազմական, նշանակութիւն շինարարական կառուցների և այլնի նպատակներով: 1551 թ. թուրք ղորահրամանատար «Վազիր փաշան բազում և անթիւ զօրոք և գնաց դէպ յարեւելս ի շահաստան, և յոյժ նեղեցին ու շարշարեցին զքրիստոնէայսն ի հարկաւ: արհեստութիւն: Եւ հանին զբազում արհեստաւորս վասն շինութեան Զարսայ բերդին...»⁴²:

16-րդ դ. 2-րդ կեսին ինչ-ինչ չափերով շարունակվում էր նաև շինարարների, արհեստավորների և աշխատուժի հոսքը կամ բռնադադլթը նաև Արևմտահայաստանից: Մարգիս դահու Հովհաննիսյանը իր «Տեղագրութիւն մր Կ. Պոլսու» երկրում նշում է, որ Սկիւտարի թաղամասում 1577 թ. բնակ-

37 Գ. Այվազովսկի. նշվ. աշխ., էջ 272:

38 Մանր ժամանակագրութիւններ, XIII—XVIII դդ. (կազմ. վ. Ա. Հակոբյան), հ. I, Երևան, 1951, էջ 157, հ. II, Երևան, 1956, էջ 355:

39 Նույն տեղում, հ. I, էջ 173:

40 Նույն տեղում, հ. II, էջ 251—252:

41 Մայր ցուցակ ձեռագրաց սրբոց Յակոբեանց (կազմ. ն. Եպ. Պողոթյան) հ. 9 Երուսաղեմ, 1979, էջ 193:

42 ՈՒՄ. ձեռ. 6332, էջ 195:

վում էին մշեցիի հայ դործավորները 1617 թ. նրանց համար կառուցվել է ս. Կարապետ եկեղեցին⁴³։ Կնշանակի, մշեցիները պատկառելի թիվ են կազմել այդ թաղամասում, զոնե առանձին եկեղեցի ունենալու շափ։

Այսպիսով, մինչև 1590 թ. թուրք-պարսկական պայմանագիրը, որով Առեհուսը Հայաստանի տարածքների մի մասը մտնում էր Օսմանյան կայսրության կազմի մեջ, հայ աղգարնակչությունը տանամյակներ շարունակ ենթարկվել է դերհիվարումների և բռնի տեղահանումների։ Մասնով մի մասը, անկասկած, հումալուրի և օսմանյան մայրաքաղաքում արեելահայ գաղթականների թիվը, որին հակակշռել են, ի դեպ, Արևմտահայաստանից տեղահանված և կամ գաղթած հայ աղգարնակչության խմբերը։ Մի քանի տարի անց, 1590-ականի 2-րդ կեսից սկսվելու էր ջալալիների շարժումը, պատճառ դառնալով բռնի և կամավոր գաղթների նոր և ահաբեկի մի հոսքի՝ դեպի սեծովյան շրջաններ, Ղրիմ, Արևելյան Եվրոպա, Օսմանյան Թուրքիայի ու Պարսկաստանի տարածքները և այլուր։ Ջալալիների շարժումը խոր հետք թողեց Օսմանյան կայսրության տնտեսական ու քաղաքական կացության վրա՝ առաջ բերելով ժողովրդագրական խոշոր տեղաշարժեր նրա տարածքներում բնակվող ժողովուրդների համար։

1598—1602 թթ. ջալալիների ավազակաբարո շարժման մեջ էին ներգրավվել բարձրաստիճան հողատերեր, փախստական զինվորներ, բուլղաղիներ և այլք, որոնք անասելի դաժանություններ տակնուվրա արեցին ամբողջ Փոքր Ասիան, Օսմանյան Թուրքիայի արևելյան տիրույթները։ Խուսափելով ջալալիներից, Արևմտահայաստանի բազմաթիվ բաղձուկները բրտնաբեկներ կրելով մեկ, անցան Ղրիմ, Ջուլուսիս, Կ. Պոլիս, Արաբական թերակղզի, Արևելյան Եվրոպայի երկրներ և այլն։ Իբրև ջալալիների շարժման աղետալի հետևանք և ուղեկից, Արևմտահայաստանում սկսեց մոլեգնել սովը։ Ջալալիների հարվածների տակ 1602 թ., առաջիններից մեկը Արևմտահայաստանում, ընկավ Թոքատը։ Թոքատի գրավումը հատկանշվում է իբրև սկիզբ այն դանդաղածալին գաղթների, որոնք ծայր էին առնելու Արևմտահայաստանից դեպի ապահով վայրեր՝ Կ. Պոլիս, Արևելյան Եվրոպա և այլուր⁴⁴։ Մասնավորապես, դեպի Կ. Պոլիս գաղթը Արևմտահայաստանից սկսվեց 16-րդ դ. 90-ական թթ. երկրորդ կեսից՝ շարունակվելով ամբողջ 1600-ական թթ.։ Էրզրումի վիլայեթի հայ բնակչությունը տվեց գաղթականների առաջին հոսքերից մեկը, փախստականների մի մասը Կ. Պոլիս եկավ Երզնկայից, Կամախից, Ակնից, Տիվրիկից և կից շրջաններից։ Էրզրումի շրջաններից գաղթը սկսվել էր 1603 թ., ինչը վկայում է Գր. Դարանաղցին. «Եւ յոժամ ի Կաֆուլէն լլստամբօյ եկաք եւ ամենայն հայոց աշխարհն ի Թէոդուպօսէն ի վար, ոմանր երկու ամաւ յառաջ եկեալ էին. եւ ոմանք բաղումք ընդ մեզ եկին, որ էր թվ. ՌՄԴ (1605) եւ շատք այլ յետոյ եկին»⁴⁵։ Ուրեմն, Էրզրումից և այլ վայրերից հայերը գաղթել են 1603 թ., իսկ մյուսները շարունակել են փախուստը սեպի մատուցողաբ նաև դրանից երկու տարի անց՝ 1605 թ.։ Նկատենք, որ 1608—1609-ին ջալալիների վեոստին աշխուժացումը Արևմտյան Հայաստանում՝ ի դեմս Իբրահիմ, Մուստաֆա և Շիրին բեկերի, Կալենդեր օղուի և այլոց, պետք է որ առիթ դառնար գաղթական նոր հոսքերի, սակայն ոչ դեպի Կ. Պոլիս. գաղթականները հագիվ թե կարողանային մուտք գործել մայրաքաղաք, քանի որ նույն 1609 թ. աշնանից սկսվել էր գաղթականների համատարած առտաքսումը, որին կանդրադառնանք քիչ անց։

1602 թ. մոտերքը Կ. Պոլիս անցան սովից և ջալալիներից խուլս տված

⁴³ Կ. Պոլսո հայերը և իրենց պատրիարքները.— «Ընդարձակ օրացույց ազգային հիվանդանոցի», Կ. Պոլիս, 1901, էջ 91։

⁴⁴ Ջուլուսյան. Ջալալիների շարժումը և հայ ժողովրդի վիճակը Օսմանյան կայսրության մեջ. Երևան, 1966, էջ 163։

⁴⁵ Ժամանակագրություն Դրիդոր վարդապետի կամախեցույ կամ Դարանաղցույ. Երուսաղէմ, 1915, էջ 69։

թոքատոցի հալ գաղթականները՝ Ստեփանոս Թոքատեցին, որ գրել է ընդարձակ հիշատակարան և ողբ, իր հերթին արձանագրում է գաղթականների հանգրվանները.

Երբ շարն եկաւ յանկարծակի	Ուանք գնացին յԸստամպուլի
Սև և Եազըճին ի Թոխաթի՝	Ուն ի Պուրսայ, յԱտրանայի
Ցըրվեց զամենն ոնց փոշի	Շատք գընացին յՈւտումէլի
Զրգես դամենն մի մի տեղի	Չրոանկաց տուն, Պուղտան, Լեհի ⁴⁸ :

Շահ-Աբասի արշավանքների հետևանքով նաև արևելահայ գաղթականներ հայտնվեցին Բուրբոյի ալևալլ մասերում և Կ. Պոլսում: Մի հիշատակարանում ասված է. «Նա թագաւորն Պարսից Շահապազն երեկ էառ զԵրեւան և զամենայն գաւարսն մինչև ի Քասեն և զամենայն աշխարհնին հրձիգ և աւերակ սրար և զամենայն բնակիչքն թէ Հայք, թէ Տաճիկ... և մեք այլ ոչ կարացաք գնալ, այլ եկայք մերայնովքն ի Բուզանդիոն և ի Թրակացոց աշխարհիս մինչև ցայժմ որ է թվն ՌԾԷ (1608)»⁴⁷: Պետք է եզրակացնել, որ Կ. Պոլսում այս գաղթականները հայտնվել են 1603—1604 թթ., ինչ ակնարկում էր Գր. Դարանաղցին⁴⁸, Արևելահայ գաղթականները Կ. Պոլիս, նաև Զրմյուռնիա էին անցել Շահ-Աբասի բռնությունների և սովի պատճառով⁴⁹:

16-րդ դ. 90-ական թթ. մինչև 17-րդ դ. սկզբների գաղթերը Կ. Պոլիս գրեթե ադիտայի կացութուն ստեղծեցին կայսրության և նրա մայրաքաղաքի համար՝ նույնիսկ ջալալիների ապստամբության պարտությունից տարիներ հետո էս: Իրական մտանգ էր երկրի ծայր աստիճանի քայքայված վիճակը, ռավառ՝ ամայացման սլաոճառով դյուղատնտեսական արտադրության աղետալի շարժումով անկումը և պետության համար հույժ վտանգավոր դարձած մայրաքաղաքի անվերահսկելի կացությունը: Կ. Պոլիսը և նրա շրջակայքը լցված էին գաղթականների տասնյակ հազարավոր բազմություններով, որոնք մասամբ տեղավորվել էին պատահական որևէ ծածկի տակ, մասամբ էլ ապրում էին վրանների ներքո: Մայրաքաղաքում միայն հայ գաղթական տների թիվը, ըստ Միմեն Լեհացու, հասնում էր 40.000-ի⁵⁰: Դժվար չէ պատկերացնել Կ. Պոլսի շնչահեղձ վիճակը, եթե նկատի ունենանք նաև այլ ազգությունների գաղթականների ահռելի թվաքանակը: Մայրաքաղաքի իշխանությունների առջև ծառայել էին պարենային մատակարարման, փախուսականներին որևէ կերպ տեղավորելու, համաճարակների դեմն անելու հիմնահարցերը: Մարդկանց ոչ արտադրողական, տեղահանված բազմությունների առկայությունը ծանրացնում էր քաղաքի գոյատևման բնականոն գործընթացը՝ արհեստավորներին նեղում էր հումքի պակասը, առևտուրը թուլացել էր գյուղատնտեսական արդյունքների պակասից, ինչպես և իրացման սուղ հնարավորություններից: Հողի սեփականատիրական համակարգի տված խոր ճեղքերը՝ սկսած 16-րդ դ. 2-րդ կեսից հասցրեցին նրան, որ մեծ շարժումով արժեզրկվեց աֆրիկյան օսմանյան դրամական միավորը⁵¹:

Նման պայմաններում սուլթան Ահմեդ 1-ը (1603—1617) հրամայեց մայրաքաղաքից վտարել և բնակություն նախկին վայրերը քրի բոլոր գաղթականներին՝ երեք տարվա տուրքից ազատելով նրանց⁵²: Սկսվեց 1609 թ.

48 Ն. Ա. Կ. Պոլսի և Զրմյուռնիայի գաղթականների տեղակայումները. Վիեննա, 1921, էջ 120:

47 Նշի արք մատենագրության հատց (հրատ. Ք. Պատկանյան). Ս. Պուրբ, 1884, էջ 72:

49 Ժամանակագրություն Կոնստանդուպոլիսի Կամախեցույ, էջ 69:

47 Գ. Խաչատրյան. Կ. Պոլսի հայ գաղթի ծագումը. — «Ընդարձակ օրացույց ազգային հիվանդանոցի», 1902, էջ 193:

50 Միմեն դարի Լեհացույ ողբերգություն. Վիեննա, 1936, էջ 8:

51 Օրմանի ժամանակ. որ առաջինն էր հասել աթլեն (1328), արժաթե այդ դրամը արժեք 6 կարատ. իսկ XVII դ. վերջին այն տասնապատիկ նվազել էր այդ արժեքից՝ դրե՛ս նավասարվելով պղնձին (Книга путешествия Эвлия Челеби, М., 1961, с. 272):

52 Հ. Ն. Ս. Պոլսի և Զրմյուռնիայի գաղթ. էջ 388:

սյուրգյունը՝ աքսորը, որի հարկադրական անհրաժեշտությունը օսմանյան կառավարողների համար ընդգծվում էր նրանով, որ իր բացառիկ և անվերապահ բնույթով կտրուկ հակասում էր օսմանյան օրենքներին: 16-րդ դ. 4. Պոլիսը առանձնահատուկ արտոնություններ էր ընձեռում փախստականներին: Նրանք չէին վերադարձվում նախկին տեղերը⁵³: Սուլեյման Կանունիի (1520—1566) օրենքներից մեկում ասվում է. «Թիմարից հեռացած ուսաներին հավաքելը օրենք է: Սակայն վերացված է տեղահանելը նրանց, ովքեր մի որևէ տեղում ապրել են տասնհինգ տարուց ավելի: Հրաման է տրված քաղաքում գրանցել նրանց, ովքեր այնտեղ ապրում են քսան տարի: Իսկ նրանց, ովքեր բնակություն են հաստատել Ստամբուլում, տեղահանելն արգելվում է»⁵⁴: Օրենքը ակնհայտորեն ցուցադրում է արտոնությունների միջոցով 4. Պոլիսը վերաբնակեցնելու սուլթանների վաղեմի մտահոգությունները, որ առանձնահատուկ բնույթ էր հաղորդում մայրաքաղաքի ստատուսին: Զալախիների ապստամբության ժամանակաշրջանում և հետագայում օրենքը կորցրել էր իր բոլոր բանական իմաստները:

1609 թ. սյուրգյունը միայն 4. Պոլիս եկածներին չէր վերաբերում, այլև ուրիշ քաղաքների ևս, որտեղ լցվել էին գաղթականների խմբերը, սյուրգյունի նպատակը կայսրության արևելյան գավառները կրկին մարդաշատ դարձնելու էր: Աքսորն իրականացվեց արևելյան բռնապետությանը հատուկ դաժան ու անմարդկային մեթոդներով՝ ընտանիքի անդամներին էրարից բաժանելով, արսորյալների ինչքի կողոպուտով և այլ բռնություններով⁵⁵: Հայ և թուրք գաղթականների մի սովոր զանգվածի հետ (? 000 մարդ) հարկադրված էր Կամախ վերադառնալ Գրիգոր Դարանաղցին⁵⁶:

Այսուհանդերձ, գաղթականների մի մասը, դիմելով ամեն հնարավոր միջոցի, կարողացավ խուսափել վտարումից՝ գործի դնելով կապերը ազդեցիկ մարդկանց հետ, կաշառքը և այլն: Մի զգալի մասը օգտվեց այն բանից, որ մայրաքաղաքը մշտապես զգում էր արհեստավորների, շինարարական բանվորների կարիքը: Այդպիսիք «որպէս և բազումք աստ և անդ հնարեցան և կացին, ոմանք կաշառք, և ոմանք յարքունի գործակալութեան աղագաւ ի շինումն տան աղօթարանի, որ ճամի ասէն՝ յանուն սուլթան Ահմատի կոչէն և շատք ի մեծամեծ իշխանաց հովանիս՝ ի ներքոյ թելոյ ապաւինելով զբրժան և այլ բազումք աստ և անդ յենլով՝ պատսպարեցան»⁵⁷:

Անտարակույս, բնակչության տեղաշարժերը դեպի 4. Պոլիս և այլ օսմանյան կենտրոններ շարունակվել են նաև 1610—1630-ական թթ., այնպես որ 1630-ականի կեսին ևս գոնե այստեղ վերստին ծառայալ գերբնակչության խնդիրը: 1635 թ. սուլթան Մուսթաֆա IV-ը (1623—1640) արձակեց նոր հրաման. 4. Պոլիսից աքսորել այն բոլոր եկվորներին, որոնք չէին լրացրել այստեղ ապրելու 40 տարին: Հրամանը վերաբերում էր ոչ միայն վերջին տասնամյակներին 4. Պոլսում հիմնավորված նոր գաղթականությանը. դա նշանակում էր նաև, որ դեռևս ջալալիների հուզումների շրջանից մայրաքաղաքում հաստատված գաղթականների մի զգալի մասը մնացել էր այնտեղ՝ կարողանալով խուսափել 1609-ի աքսորից: Հռոմի պրոպագանդայի ժողովի (ս. Հավատոյ տարածման ժողով) արխիվից հայտնի է մի փաստաթուղթ, որ վերաբերում է 1635 թ. աքսորին: Այնտեղ հայտնվում է, որ «4. Պոլսում հայերի դեմ մի հրովարտակ է ելած, որ այն հայերն, որոնց

⁵³ Ю. А. Петросян. Османская империя. Могущество и гибель М., 1990, с. 104.

⁵⁴ Аграрный строй Османской империи XV—XVII вв. (Документы и материалы. Сост., перевод и комментарий А. С. Тверитиновой). М., 1963, с. 35.

⁵⁵ Մատենադարան, ձև. 4515, էջ 378: Ն. Ակիբյան. Ազարիա վ. Սասնեցի.—ՇՀանդես ամսորյա», 1936, № 7—9, էջ 336:

⁵⁶ Ժամանակագրութիւն Գրիգոր վարդապետի Կամախեցոյ, էջ 148—149:

⁵⁷ Նույն տեղում, էջ 146—146:

բնակութիւնը այս քաղաքում 40 տարուց ավելի չէ, դուրս հանվին և արագրվին Փոքր Ասիա, մինչև որ նրանց թիւը իշնէ 100 000-ի⁵⁸։ Մայրաքաղաքը լցվելու համեմատ մարդաթափ էր լինում թուրքական գաղափար՝ դարձյալ անլուծելի խնդիրների առաջ կանգնեցնելով իշխանութիւններին։ Մ. Հայսմավուրքի հիշատակարանում ասվում է, որ սուլթան Մուրադը, որ գնում էր պարսիկների դեմ պատերազմի, «մինչ գնայր տեսեալ ղերկիրսն սակաւամարդս և հարցեալ տեղեկացեալ եթէ յԸստըմպօլ են ժողովեալ և առաքեաց հրաման ի տեսուչն յԸստըմպօլայ որ թէ հայ թէ յոյն թէ տաճիկ որք եկեալ են յարեւելից կողմանէ՝ ղամենեսեան զնոսա փութով ի տեղիս իրեանց առաքեսցէ»⁵⁹։ Ավելացնենք, որ գավառում մնացած սակավաթիվ բնակիչները տարիներ շարունակ ստիպված էին վճարել նաև հեռացածների հարկերը, որ չափով հարկատու որոշակի միավորի (մուրաֆտա) մատչանները, ըստ օսմանյան հարկային համակարգի հայտնի դանդաղաշարժութեան, տարիներ շարունակ չէին վերահաշվառվում։ 1635-ի մայիսի 19-ի աքսորի հրամանը դրվեց գործողութեան մեջ՝ մեզ արդեն ծանոթ բռնութիւնների և այլնի տեսարաններով։ Կ. Այվաղովսկին նշում է, որ արտաքսման ենթակա եկվորները մեծ մասամբ հայեր էին, որոնք 30—40 տարի ի վեր ապրում էին Կ. Պոլսում⁶⁰, ուստի, պետք է կարծել, որ այս անգամ կրոնաէթնիկական մշտական հանրութիւններից առավել տուժել են հայերը։ Սվ դարձյալ, այս անգամ ևս, որպես հայերի տառապանքները մեղմացնող գործոն, հանդես եկան նրանց շինարարական ընդունակութիւնները. վերոհիշյալ Հայսմավուրքի հիշատակագրողը շարունակում է. «Իսկ մինչ այս ի գործս լինէր ի քաղաքին (աքսորը—Ա. Ն.) եկն այլ միւս հրաման ի նոյն արքայէն մինչ ի պատերազմի էր զի ի պարսպան քաղաքին Ըստըմպօլայ նորոգեսցեն, որ և արարին իսկ, և ի պատճառս նորոգման պարսպին սակաւք ոմանք ազատեցան յարուեստաւորք որք ի շինումն պարսպին վաստակաւորքն էին պիտոյ»⁶¹։

1635-ի այս վերջին աքսորից շատեր է մակաբերել, որ դադարել է գաղթականների հոսքը դեպի Կ. Պոլիս։ 17-րդ դ. 2-րդ կեսին ևս, այս կամ այն քանակութեամբ, առանձին ընտանիքներով կամ անհատներով մայրաքաղաք են անցել Արեւմտահայաստանից եկած հայ գաղթականները։ Պատճառը սոցիալական բռնութիւններն էին, սաստկացած հարկահանութիւնը և այլն։ 1656 թ. հունիսին Ծ. Քյոմյուրճյանը հիշում է Կ. Պոլիս եկած գաղթականներին, որոնք տեղահանվել էին «վասն նեղութեան և հարկապահանջութեան տեղեացն... վասն այսորիկ բազումք ելեալ ի տանց և ի բնակութեանց, թողեալ ղայգի և զարտ, զհնձան և զկալ և զայլ ամենայն վայելչութիւն պարտէզից և բուրաստանից, զեզնիցն և զոչխարիցն և եկեալ բնակեցան աստ ի քաղաքս որ կոչիւր Կոստանդնուպօլիս»⁶²։

Պատերազմների և գերեվարութիւնների պատճառով Կ. Պոլսում հայերի քիչ թե շատ զգալի խմբեր հայտնվեցին 1720—1730-ական թթ.։ Պարսիկների հետ նոր ընդհարումների ժամանակ Արարատյան դաշտից, Սյունիքից և Արեւելահայաստանի այլ վայրերից, բռնի կամ կամաւոր, Կ. Պոլսում հայտնվեցին հայերի նոր խմբեր։ Դրանք արդեն չէին կարող փոքրիշտե նշանակալի կնիք դնել Կ. Պոլսի հայ գաղթօջախի վրա, որը վերջնականապես ձևավորվել և իր ուրույն նկարագիրն էր ստացել 16-րդ դ. վերջին և 17-րդ դ. առաջին տասնամյակներին։

Տասնհինգի ժամանակ Կ. Պոլիս բերված ժողովուրդները, այդ թվում և հայերը, հիմնականում բնակեցվում էին հայրենակցական խմբերով, որ թելադրվում էր բռնագաղթի տրամաբանութեամբ. գաղթականների կուտակում-

58 Սարուխան. Հոլանդան և հայերը—«Հանդես ամսօրյա», 1927, № 3—4, էջ 182։
 59 «Բանասեր», Փարիզ, 1904, հ. 2, № 3—4, էջ 174։
 60 Գ. Այվաղովսկի. նշվ. աշխ., հ. Ա, էջ 613։
 61 «Բանասեր», Փարիզ, 1904, հ. 2, № 3—4, էջ 174։
 62 Օրագրութիւն երեմիա Զէլեպի Քէօմիւրճեանի, Երուսաղէմ, 1939, էջ 184։

ները միևնույն թաղում (կամ թաղերում) ամփոփում էր նրանց որոշակի տարածական սահմաններում, համախումբ դարձնում տվյալ էթնոկրոնական միավորը, որ նախընտրելի էր ոչ միայն վերջինիս համար (ազգային, կրոնական ընդհանրություն, միևնույն պաղատունքի՝ արհեստների և այլնի գործառույթյան պարունակություն), այլև հեշտացնում էր օսմանյան կառավարողների գործը կարգուկանոնի, կառավարման իրացման՝ բնակչության հաշվառման, հարկեր գանձելու և այլնի իմաստով:

Մինչև Կ. Պոլսը թուրքերի կողմից նվաճվելը հայերն զգալի լամբերով ապրել են Ղալաթիայում⁸⁸, որ վկայվում է նաև տեղի ս. Սարգիս եկեղեցու առկայությամբ: Ը. Ղ. Սիրունին, հենվելով 1360 և 1361 թթ. երկու հիշատակարանների վրա, հաստատապես կարծում է, որ հնագույնը ս. Սարգիսն է, որին հետևել է ս. Լուսավորիչը⁸⁹: Իսկ Ղալաթիայում ևս հայերը բնակվում էին առանձին թաղերում, ինչը հայտնի է դառնում հնագույն երեք վագֆիյեններից⁹⁰: Կ. Պոլսի հայությունը, ինչպես հայտնի է, 15—18-րդ դդ. ճանաչված էր իբրև ալթը ջեմաաթ՝ վեց համայնք, բնակվելով համապատասխան ինչերում: Սրանք հետագայում կոչվել են օղալար (Գարակյուժույկ, Մալթա, Չարշենպեհ, Թեֆեհ, Քյոմյուրեհի, Ախոռ գաբու), որոնց ինճիճյանը ավելացնում է ևս մեկը՝ Թոփխանե օղալարը⁹¹: Հետագայում, նոր գաղթականների հայտնվելով, հայերը տարածվել են տարբեր թաղերում՝ խախտելով ավանդական բնակչության սահմանները և հիմնականում խմբվելով քաղաքի եկեղեցիների շուրջ: Կ. Պոլսի հնագույն և շատ քիչ հայտնի եկեղեցիներից էր ս. Ստեփանոսը, որը հիշվում է Ամիրդովլաթ Ամասիացու «Բժշկարանի» հիշատակարանում՝ «վանից» ձևով⁹²: Դարձյալ հնագույն՝ Սաֆաթիո (հին հունարեն Պսամաֆիա անվանում) ս. Գեորգ եկեղեցու շուրջ էին խմբվել Կարամանից գաղթեցված հայերը (1478), որի վեհությունը հիշում է Սիմոն Լեհացին⁹³, Մինչև 1441 թ. ս. Գեորգը հայերի պատրիարքարանն էր (Սուլուժմանաստրրի ս. Գեորգ): 15-րդ դ. հիշվում են ս. Սարգիս եկեղեցին «ի յԱյթոթոսիայի մասալան»⁹⁴, ս. Նիկողայոսը (հունական Մանուելի մենաստանը), որ թուրքերը հետագայում մզկիթի վերածեցին Քեֆեյի համվ. անվամբ, մինչ վրկված հայերը ոգի ի բոհն աշխատելով ձեռք բերեցին Ղալաթի ս. Հրեշտակապետ եկեղեցին⁹⁵: 1608-ին Կ. Պոլսի մտած Սիմոն Լեհացին հիշում է մայրաքաղաքի հինգ հայ եկեղեցիներ՝ «ի վլանկայ երեք՝ աւագն

⁸⁸ Անկախ բուն Կ. Պոլսում և Ղալաթիայում բնակվող հայերի թվական համամասնության բաժնական կնճոտ խնդրից, այստեղ նշենք միայն, որ նախքան Կ. Պոլսի անկումը, Ղալաթիայում նշանակալի թվով հայություն էր ապրում՝ վկայված ոչ միայն նշված եկեղեցիների, այլև այն փաստի առկայությամբ, որ Կոստանդին Վահկեցի կաթողիկոսը 1438 թ. Չլորենցիայի տիեզերական ծոցովի աթիվ երկու անգամ հիշատակում է Բերայի (Ղալաթիա) եպիսկոպոսի անունը՝ «Տովակիսայ եպիսկոպոսի Բերիայ» և «զՅովակիմ եպիսկոպոս Բերիայ» ձևերով: մեկը՝ ուղղված Թեոդոսիայում իր տեղապահ՝ Սարգիս վարդապետին, և մյուսը՝ նույն քաղաքի սուլթանական տեղապահին, որից, կարծում ենք, կարելի է եզրակացնել ոչ միայն քեֆեցիների՝ Ղալաթիայում ունեցած ներկայության, այլև ս. Սարգիս կամ Ս. Լուսավորիչի՝ Ղալաթիայի առաջնորդանիստ կենտրոն լինելու մասին (տե՛ս Ա. Պալճեան. Պատմութիւն կաթողիկէ վարդապետութեան ի Հայս և միարանութիւն նոցա ընդ Հոռմէական եկեղեցւոյ. Վիեննա, 1878, էջ 88—89):

⁸⁹ Ը. Ղ. Սիրունի. նշվ. աշխ., էջ 90, 94:

⁹⁰ Ը. Պեռպեռյան. Իսթանպուլի հայ բնակչությունը..., էջ 423,

⁹¹ Ը. Ինճիճյան. Աշխարհագրութիւն շորից մասանց աշխարհի, մասն երկրորդ, հ. Ե, Վենետիկ, 1804, էջ 115—116:

⁹² Ը. Սեբր-Անդրեասյան. Իսթանպուլի առաջին հայկական եկեղեցիները և ս. Գեորգ պատրիարքանիստ եկեղեցին.— «Շողակաթ», 1956, էջ 99:

⁹³ Սիմէոն զպրի Լեհացույ ուղեգրութիւն, էջ 21:

⁹⁴ ԺԵ դարի հայերեն ձեռագրերի հիշատակարաններ. մասն Բ, էջ 389:

⁹⁵ «Բանասեր». Փարիզ, 1899, գիրք Ա, էջ 48—50:

սուրբ Նիկողայոս, սուրբ Աստուածածին, և սուրբ Սարգիս, ի Պալատն մէկ և ի Սուլուսանաստըն մէկ՝ սուրբ Գեորգ անուն»⁷¹, Հեղինակը հիշում է նաև Ղալաթիայի ս. Լուսավորիչը⁷²: 17-րդ դ. վերջերին Կ. Պոլսի հայութեան պաշտամունքային հիմնական կենտրոններն էին մնում Ղալաթիայի ս. Լուսավորիչը, ս. Աստվածածինը, ս. Գեորգը, ս. Հրեշտակապետը և Սկյուտարի ս. Կարապետը՝ միակ նորը, որ կառուցվել է Ջաքարիա պատրիարքի ժամանակ, 1617 թ.⁷³ Հիրավի, օսմանյան իշխանութիւնները, որոշ բացառութիւններով, ձգտում էին Կ. Պոլսում (և առհասարակ) թույլ շտալ եկեղեցիների ավանդական քանակի աճը: Մեհմեդ Ֆաթիհի ժամանակ եղած եկեղեցիների թիվը (4) երկու դարից էլ ավելի ժամանակաշրջանում (1460—1680), երբ հայերի քանակը Կ. Պոլսում բազմապատիկ ավելացել էր, մեծացել էր ընդամենը 1-ով: Անշուշտ, գործել նաև կարճակյաց եկեղեցիներ, ինչպես միայլ ս. Նիկողայոս Հիսար 'Իբրիում' ծնի Գաբուի մոտ, ս. Սարգիսը, որը 7 հունական եկեղեցիների հետ քանդել տվեց Քյոփրյուլյու վեղիրը⁷⁴: Առավել դյուրին էր սակավաթիվ բնակչութեամբ թաղերի եկեղեցիները վերացնելը: 1766 թ. քանդվեց էյուր թաղի ս. Սղիա եկեղեցին, Չեղմելի օղալար թաղի ս. Աստվածածինը ևս «քանդեցին այլազգիք»⁷⁵: Իշխանութիւնները այս ամենը հիմնավորում էին նրանով, որ դրանք կառուցվել են առանց սուլթանի հրամանի:

Հայ գաղթականները 15—17-րդ դդ. հայրենակցական խմբերով էին ապրում նազույն եկեղեցիների շուրջ: Հայերի հնագույն թաղամասերից էր Սալմաթուրուկը, որտեղ ապրում էին Կաֆայի գաղթականները՝ ունենալով Զարիսափան ս. Աստվածածին եկեղեցին: Ըստ Հ. Ճ. Սիրունու, 1475 թ. Ղրիմից (Կաֆայից) գաղթեցված հայերը բնակվում էին Բյոյուք Գերեում և Պալատում⁷⁶: Կարամանից բնագաղթեցված հայերը տեղավորվել էին Սամաթիայում՝ ս. Գեորգի շրջակայքում⁷⁷: Պրուսացի գաղթականները վերաբնակվել էին ծնի Գաբուի կից Հիսար 'Իբրի թաղում' վերը հիշված ս. Նիկողայոս եկեղեցիով⁷⁸: Հայաշատ հին թաղամասերից էր Պալատը, որտեղ, ինչպես երևում է 1672 թ. մի ճաշոցի հիշատակարանից, նախապես բնակվել են

71 Սիմեոն դպրի կենցաղային ուղեգրութիւն, էջ 7:

72 Նույն տեղում, էջ 25:

73 Կ. Պոլսի հայերը և իրենց պատրիարքները, էջ 91:

74 Հ. Ճ. Սիրունի. նշվ. աշխ., էջ 250:

75 Հավատին նախանձախնդիր թուրքերը տհաճութեամբ էին նայում իրենց թաղում որևէ այլ հասարակ կրոնական կառույցի գոյությանը, որ տարբեր կրոնաէթնիկական խմբերի տարանջատման գործոններից մեկն էր: Կ. Պոլսի առումից հետո հույների առաջին պատրիարք Գեննագիտոսը շարունակեց իր ձեռքին պահել ս. Առաքյալների եկեղեցին, որ տվել էր նրան նույն ինքը՝ Մեհմեդը: 1654 թ. ամռան կողմերը այս եկեղեցու բակում թուրքի դիակ հայտնաբերվեց, ակնհայտորեն՝ դիտմամբ արված մի բան, որ թուրքերին առիթ էր տվել զբոսովելու: Նրա հայաց Գեննագիտոսը բարվոք համարեց կանխել թշնամանքը՝ թույլտվություն խնդրելով պատրիարքարանը տեղափոխել Ֆենեի թաղամաս, Պամակարիստայի նախկին կոստանոցի տաճարը (С. Рансемен. Падение Константинополя в 1453 году. М., 1983, с. 141): Սուրբ Մանասթրի ս. Գեորգի մոտ մի նոր «քեղիշանե» կառուցելու ևս զայրացրել էր թուրքերին: 1565 թ. թաղի բազմաթիվ բնակիչներ և թաղի իմամը բողոքել էին սուլթանին, թե իբր այդպեղ աղմկոս: զինարրութներ են անում՝ խանգարելով ուղղափառների նամազը և զուրանի ընթերցումը: Սուլթանը հրամայել էր մայրաքաղաքի կադիին՝ բողոքը հիմնավոր լինելու դեպքում քանդել տալ «քեղիշանե» և արգելել բարեպաշտների անդորրը խանգարող երգերն ու զինարրութը (Հ. Պերպերյան. Օսմանյան քանի մը վավերագրեր Իսթանպուլի հայոց հիկե պեղիներեն ոմանց մասին.— «Հանդես ամսօրյա», 1961, 10—12, էջ 727—728):

76 Հ. Ճ. Սիրունի. նշվ. աշխ., էջ 204—205: Ա. Ալպայաճյան. Պատմություն հայ դպրոցի. 5. Ա, էջ 373:

77 Ղ. Ինճիճյան. նշվ. աշխ., էջ 132:

78 Նույն տեղում, էջ 133:

կամախեցիները: Այստեղ է. Քյոմյուրճյանի ժամանակ ապրում էին մինչև 700 տուն հայեր⁷⁹, Պալատին կից խոսազուղում ապրում էին ակնցիները՝ դրաղմունքով քիրեմիտագործներ (կղմինդրագործներ), 1729 թ. այստեղ կառուցվել է ս. Ստեփանոս փայտաշեն եկեղեցին⁸⁰. Խաչկոնցը կարծում է, որ Պալատի կողմերում նախապես «հաստատված կերևին» խարբերդցիները, Լանկայի (Վլանկա) և Գումգաբուրի կողմերում՝ սիվերիկցիները⁸¹ (գարձյալ Ակնի շրջանից): 17-րդ դ. սակավաթիվ հայեր էին ապրում Օրթաքոյունում, Իուրուչեշմեում, խոսազուղում և Պեշիկթաշում. դրան համապատասխան այդ թաղերում գործում էին ժամատներ⁸²: Պետք է կարծել, որ բազմամարդ չեն եղել նույն ժամանակներում Թագարում բնակվող գաղթընի (չորեպան, չորեվաճառ) և Բիրաբի (կրագործ) հայերը, ինչպես և հայ բոշաները:

16-րդ դ. Կ. Պոլսի ուներ կես միլիոնից ավելի բնակչություն⁸³, որը ոչ թե բնական աճի, այլ շարունակվող բռնադաղթների և գաղթների հետևանք էր: 17-րդ դ. այստեղ բնակչության թիվը հասնում էր 700—800 հազարի, որի մեծ մասը կազմում էին թուրքերը⁸⁴: Հայ բնակչության թվաքանակի վերաբերյալ կասկածելի է թվում Սիմեոն Լեհացու տվյալը, ըստ որի, 1608-ին Կ. Պոլսում հայերից «ութսուն սուն տեղացի հաղի դտանէր, բայց եկն և զարիսյն աւելի, քան զքառասուն հազար տուն ի Ստամպոլ, Ղալաթա և Սկյուտարն»⁸⁵: Ում է «տեղացի» համարում Սիմեոնը, արդյո՞ք Ֆաթիհի ժամանակից բաղաբուր ապրող հայերին: Բայց այս դեպքում ևս այդ «ութսուն տունը» չէր կարող հավանական լինել, քանի որ Դրիմից, Կարամանից, Ամասիայից, սեծովյան և այլ շրջաններից թշված հայերի թիվը չէր կարող այդքան նվազ լինել՝ չհաշված առավել քիչ քանակությամբ գաղթականներ ևնթաղող մյուս բռնադաղթերը: Եթե անգամ եկվոր («եկն») և պանդուխտ համարենք 16-րդ դ. առաջին քառորդին Կ. Պոլսում հայտնված բաղմաթիվ հայերին, ապա միևնույնն է, 15-րդ դ. ի վեր մայրաքաղաքում ապրող հայ բնակչությունը չէր կարող կազմել ընդամենը ութսուն տուն, այլ շատ ավելի մեծ թիվ պետք է ներկայացներ:

Ջալալիների շարժման հետևաբով Կ. Պոլիս ապաստանած եկվոր բազմությունները շեշտակիորեն բարձրացրեցին հայերի թվաքանակը: Հոռոս ս. Հավատոյ տարածման ժողովի արխիվի փաստաթուղթը, որ վկայակոչեցինք վերը, ցույց է տալիս, որ 1635 թ. Կ. Պոլսում հայերն այնքան շատ են եղել, որ սուլթանը որոշել էր արտաքսումների միջոցով նրանց թիվը հասցրենել 100 000-ի: Այս փաստը ամրապնդվում է Ֆրանսիական դեսպանատան քարտուղար Գելաիրուայի տվյալով ույն մասին, որ 1673 թ. Կ. Պոլսի հայ գաղթօջախը կազմված էր 8000 տուն բնիկ և 50 000 հոգի պանդուխտ հայերից⁸⁶: Նույն դարի վերջին այս թիվը, անշուշտ, պետք է աճեր, թեև, ըստ: Գելայերի, այդ ժամանակ Կ. Պոլսում կային 40 000 բնիկ և 50 000 դաղթական հայեր⁸⁶: Հետևաբար, 17-րդ դ. վերջին և 18-րդ դ. սկզբներին Կ. Պոլսում տեղացի և գաղթական հայերի թիվը հասել է մոտ 100 000-ի:

Այսպիսով, Օսմանյան կայսրության մայրաքաղաքում հայ գաղթօջախի կազմավորումը սկսվում է 1450-ականի 2-րդ կեսից, երբ այնտեղ վերաբնակեցվեցին Ֆաթիհ Մեհմեդի կողմից բռնադաղթի ենթարկված հայերը Ան-

79 Բ. Կյուրեաներյան. Կոլոտ Հովհաննես պատրիարք. Վիեննա, 1904, էջ 122: Երեմյա Չելեպոյ Ստամպոլոյ պատմություն.— «Հանդես ամսօրյա», 1909, № 6, էջ 172,

80 Դ. Խաչկոնց. նշվ. աշխ., էջ 194:

81 Երեմյա Չելեպոյ...— «Հանդես ամսօրյա», 1909, № 9—10, էջ 306, 308, 301:

82 С. Рансемен. Указ. соч., с. 143.

83 Ю. А. Петросян. Указ. соч., с. 138—139.

84 Սիմեոն դպրի Լեհացույ ուղեգրություն, էջ 8:

85 Գ. Հնասեր. Հայ գրականությունը տասնամյակներու վրա.— «Բազմավույ», 1928, № 7—8, էջ 213:

86 Հ. Մրմբրյան. նշվ. աշխ., էջ 49:

կյուրիայից, Պրուսայից, Կիլիկիայից, Կեսարիայից, Սեբաստիայից, ինչպես և սևծովյան շրջաններից՝ Տրապիզոսից, Կաֆայից (Լրիմ), Ամասիայից և Կարամանի տարբեր բնակավայրերից: 1510-ական թթ. վերսկսված թուրք-պարսկական պատերազմների հետևանքով 1514, 1548, 1554, 1578/79 թթ. Կ. Պոլսում հայտնվում են հայ գաղթականների նոր բազմություններ Քաղբիզից, Արարատյան գաղտից՝ Նախիջևանից, Նրևանից, դրանց հարող տարածքներից և Արցախից:

Ջալալիների շարժման ժամանակաշրջանում (1598—1609) Կ. Պոլիս անցան հայ նոր բազմություններ՝ ինչպես Արևստյան, այնպես էլ Արևելյան Հայաստանի տարբեր շրջաններից, սբոնք կազմեցին մայրաքաղաքի հայ գաղթականության նոր, նշանակալի շերտը: 17-րդ դ. ընթացքում ևս շարունակվել են գաղթերը Արևմտահայաստանի տարբեր վայրերից դեպի Կ. Պոլիս, սակայն դրանք ունեցել են մասնակի բնույթ:

ОБРАЗОВАНИЕ АРМЯНСКОЙ КОЛОНИИ КОНСТАНТИНОПОЛЯ (II половина XV в.—I половина XVII в.)

Доктор ист.-тор. наук АЛЬБЕРТ ХАРАТЯН

Резюме

История армянской колонии Константинополя (Стамбула) восходит не к истории константинопольских армян византийских времен, а ко второй половине 1450 г., когда в Константинополе появились первые переселенцы из Энкюри (Анкара), Бурсы, Каммаха, а также из черноморских регионов—Трапезунда, в частности, Кафы (Крым), Амасии и Карамана. Предпринятое при Мехмеде III насильственное переселение армян возобновилось в период правления его последователей на протяжении турецко-персидских войн. И на этот раз переселение было необходимо для обеспечения нормального функционирования османской столицы, т. е. для пополнения ее ремесленниками, кушами, богатыми людьми и налогоплательщиками. В 1514, 1548, 1554, 1578, 1579 гг. из подвластных Персии районов—Тебриза, Еревана, Нахичевана, Аршаха и т. д.—в Константинополь были переселены восточные армяне. Так возник второй слой армянской колонии Константинополя. Во время восстания джалали (1598—1609) в Константинополь хлынула волна переселенцев-беженцев как из восточной, так и западной частей Армении, образовав третий значительный слой армянского населения Константинополя, несмотря на то, что в 1609 и 1635 гг. эти беженцы подверглись массовому изгнанию (сюрдюн) из столицы.

В городе армяне жили в определенных кварталах, земляческими группами и даже по роду профессиональной деятельности, сгруппировавшись вокруг своих церквей.